



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

4. Malorum Principiis obstandum.

[urn:nbn:de:hbz:466:1-68709](#)

tutem quamlibet, à curriculo suo retardandam. De expugnata per aurum castitate, alibi nobis sermo est. Cæterū hæc Atalanta plerisque interpretibus, nihil aliud est, quā mala voluptas, quæ mille procos atque sectatores habet; qui vel cum capitis, & fortunarum jactura illam assequi festinant: de qua apud Poëtam mirabundus pronuntiat Hippomenes

An petitur cuiquam per tanta pericula conjux?

Quot juvenum myriades à fœda hac Atalanta eversæ interierunt? contractis morbis, paupertate, ignominia, ipsius denique vitæ discrimen adierunt. Quot patrimonia, censum facultates, in hujus Thaidis, *voluptatis*, inquam, fugientis, pessimè dissipavere?

III. (c) Præterea docetur hæc fabulâ, quanta habenda reverentia thalami. Atalanta cum amatore suo, in leonem transformata est, tum propter locum sacrum sacrilego concubitu profanatum; tum quia bruta magis libidine, quā pudicitia & honestatis lege, matrimonium inierunt. Ex historia Tobiae habemus, septem Saræ maritos à cacodænone necatos, ob effusam in usu conjugij licentiam. *Nolite fieri sicut equus & mulus*, monet regius Psaltes psal. 31. & vox magni Apostoli est, Heb. 13. *Honorabile connubium in omnibus, & thorax immaculatus.*

IV. (d) Notanda sunt verba Poëtæ
----- pelle moram, vinces.

Atque:

----- mors, pretium tardis.

Nimirum primis pravarum illecebrarum resistendum impulsibus: nam invalescat mora. Sapientis est, aiebat Philosophus malorum initii occurgere. Arist. lib. 4. Pol. c. 4. Et Ovidius:

Principiis obsta: sero medicina paratur,

Cum mala per longas invalueré moras:

Ex doctrina S. Gregorii M. lib. 4. Moral. c. 2. Initium malorum est suggestio; hinc cogitatio, affectio, delectatio, consensus, operatio, consuetudo, desperatio, defensio, gloriatio, damnatio. *Vae vultis.*

V. (e) Ecclesiastes quidam religiosus & eruditus Atalantæ currsum, & remoram in hunc modum explicat: *Proposito, inquit, servit cursu celebris & perniciitate pedum nobilis puella, Atalanta. Contenderat illa currendo cum variis procis, ut qui illam velocitate præverteret, uxorem duceret, aderat spectator & mirator Hippomenes, qui formâ*

(f) Reverentia connubij. (g) Principiis obstandum. (h) Remora bene currentium.